



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADONAČELNIK

Broj: 01/14-11-616-3/23
Sarajevo, 15.03.2023. godine

Na osnovu člana 70. stav (1) Zakona o javnim nabavkama BiH ("Službeni glasnik BiH", br. 39/14 i 59/22), a u vezi sa članom 38. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), gradonačelnica Grada Sarajeva, donosi

ODLUKU **o izboru najpovoljnijeg ponuđača putem Otvorenog postupka**

I

Prihvata se ponuda ponuđača konzorcija koga čine Kamer Commerce d.o.o. Sarajevo, ul. Blažujski drum br. 14. 71210 Ilidža i SYS Company d.o.o. Sarajevo, ul. Šibenska bb, 71000 Sarajevo, broj ponude: 904/23 od 09.03.2023. godine, za: Nabavku licenci OFFICE 365, u postupku provođenja javne nabavke putem Otvorenog postupka u iznosu od 93.950,00 KM bez PDV-a, odnosno 109.921,50 KM sa PDV-om.

II

Sa ponuđačem Konzorcij koga čine Kamer Commerce d.o.o. Sarajevo i SYS Company d.o.o. Sarajevo, zaključit će se Okvirni sporazum o nabavci robe iz tačke I ove odluke na period od tri godine.

III

Ova odluka stupa na snagu danom donošenja.

Obrazloženje:

Odlukom broj: 01/14-11-616-1/23 od 17.02.2023. godine, pokrenut je postupak javne nabavke: Nabavka licenci OFFICE 365, putem Otvorenog postupka.

Obavještenje o nabavci objavljeno je na portalu Agencije za javne nabavke broj: 1278-1-1-19-3-23/23 dana 21.02.2023. godine, a sažetak obavještenja o nabavci objavljen je u Službenom glasniku BiH broj: 12/23 od 24.02.2023. godine.

Sa portala Agencije za javne nabavke 29 ponuđača je preuzelo tendesku dokumentaciju.

U određenom roku za dostavljanje ponuda na protokol ugovornog organa zaprimljena je samo jedna ponuda i to ponuda konzorcija koga čine Kamer Commerce d.o.o. Sarajevo i SYS Company d.o.o. Sarajevo.

Stalna komisija za javnu nabavku, imenovana Rješenjem gradonačelnice broj: 01/14-04-2107/23 od 16.02.2023. godine, izvršila je otvaranje ponude dana 14.03.2023. godine.

Nakon otvaranja pnuda izvršena je detaljna analiza prispjele ponude te je utvrđeno da je dostavljena ponuda prihvatljiva za ugovorni organ, odnosno da je dostavljena u skladu sa tenderskom dokumentacijom.

Komisija je utvrdila cijenu prihvatljive ponude u iznosu od 93.950,00 KM bez PDV-a, odnosno 109.921,50 KM sa PDV-om.

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Komisija za javnu nabavku sačinila je dana 14.03.2023. godine Zapisnik o pregledu i ocjeni ponuda te dala preporuku gradonačelnici da se ugovor o Nabavci licenci OFFICE 365, dodjeli Konzorciju koga čine Kamer Commerce d.o.o.Sarajevo i SYS Company d.o.o.Sarajevo, koji je jedini dostavio prihvatljivu ponudu u iznosu od 93.950,00 KM bez PDV-a, odnosno 109.921,50 KM sa PDV-om.

Sa izabranim ponuđačem zaključit će se Okvirni sporazum na period od 3 (tri) godine.

U postupku donošenja odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjele ponude u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Prihvatajući preporuku Komisije gradonačelnica Grada Sarajeva je donijela ovu odluku.

POUKA O PRAVNOM LIJEKU:

Ponuđač koji je učestvovao u postupku javne nabavke može radi zaštite svojih prava i pravnih interesa u roku od deset (10) dana od prijema obavijesti (odluke) o izboru najpovoljnijeg ponuđača izjaviti žalbu ugovornom organu u dovoljnom broju primjeraka.

DOSTAVITI:

- Ponuđaču
- a/a

